

তাজবীদ শিক্ষা

ইসলামিক এডুকেশন সোসাইটি

بِسْمِ اللّٰهِ الرَّحْمٰنِ الرَّحِیْمِ ۝

তাজ্বীদ শিক্ষা

রচনায়

মুহাম্মদ সফিকুল্লাহ

এম. এম. এম. এ লিসাল, মদীনা বিশ্ববিদ্যালয়

সিনিয়র রিসার্চ স্কলার

সম্পাদনায়

মোহাম্মদ মোজাম্মেল হক

এম. এম. এম. এ

ইসলামিক এডুকেশন সোসাইটি

ভূমিকা

মানব জাতির জন্যে প্রেরিত জীবন বিধান আল-কুরআনুল কারীম রাসূল সাল্লাল্লাহু আলাইহি ওয়াসাল্লাম যে ভাবে তেলাওয়াত করেছেন সেভাবেই তেলাওয়াত করতে হবে। বিশুদ্ধ তেলাওয়াত শেখার জন্যে ইলমে তাজবীদের জ্ঞান থাকা আবশ্যিক, আর বাল্যকাল থেকেই এর অনুশীলন প্রয়োজন। সহীহ্ করে তেলাওয়াত না করলে পাঠক গোনাহ্গার হন, অন্য দিকে আল্লাহর কিতাবের অর্থেরও বিকৃতি ঘটে। বাংলাভাষী মুসলিমদের এ অভাব পূরণের লক্ষ্যে ইসলামিক এডুকেশন সোসাইটি অতি সহজভাবে তাজবীদ শেখার জন্যে এ পুস্তিকাখানা রচনায় হাত দেয়। আল-কুরআনুল কারীমের প্রত্যেক পাঠক এ পুস্তিকা খানায় পরিবেশিত নিয়ম-কানুন অবলম্বনে কুরআন মাজীদ সহীহ্ভাবে তেলাওয়াত করলে আমাদের এ ক্ষুদ্র প্রচেষ্টা সফল হবে।

আল্লাহ আমাদের সহায় হোন।

আমীন
প্রকাশক

সূচীপত্র

| পাঠ | পাঠ | পৃষ্ঠা |
|--------------|-------------------------|--------|
| প্রথম পাঠ | ইলমে তাজ্বীদ | ৫ |
| দ্বিতীয় পাঠ | লাহান | ৬ |
| তৃতীয় পাঠ | তা'আওউজ ও তাসমিয়া পড়া | ৮ |
| চতুর্থ পাঠ | মাখ্বরাজ পরিচিতি | ৯ |
| পঞ্চম পাঠ | নূনে সাকিন ও তান্বীন | ১১ |
| ষষ্ঠ পাঠ | মীমে সাকিন | ১৬ |
| সপ্তম পাঠ | গুন্নাহ | ১৭ |
| অষ্টম পাঠ | ইদ্গাম | ১৮ |
| নবম পাঠ | পোর ও বারিক | ২০ |
| দশম পাঠ | মাদ্দ | ২৩ |
| একাদশ পাঠ | কাল-কালাহ | ২৭ |
| দ্বাদশ পাঠ | ওয়াক্ফ | ২৯ |
| ত্রয়োদশ পাঠ | সিফাত | ৩১ |

প্রথম পাঠ

عِلْمُ التَّجْوِيدِ ইলমে তাজ্বীদ

ইলমে তাজ্বীদ :

التَّجْوِيدُ তাজ্বীদ শব্দের আভিধানিক অর্থ বিন্যাস, সুন্দর করা ও সাজানো। পারিভাষিক অর্থে যে ইলমের মাধ্যমে আল-কুরআনুল কারীমের প্রতিটি মাখরাজ ও সিফাত যথাযথভাবে জানা যায় তাকে ইলমে তাজ্বীদ বলা হয়।

বিষয়বস্তু :

তাজ্বীদের বিষয়বস্তু হলো حُرُوفُ الْقُرْآنِ বা কুরআনের বর্ণমালা।

উদ্দেশ্য :

সহীহভাবে কুরআন তিলাওয়াত করতে সক্ষম হওয়া এবং অর্থগত ও উচ্চারণগত বিকৃতি থেকে কুরআনকে হিফাজত করা।

তাজ্বীদ - দুই প্রকার : (১) তাত্বিক (২) ব্যবহারিক।

তাত্বিক : ইলমে তাজ্বীদের নিয়ামাবলী জানা ও বুঝা,

ব্যবহারিক : তাজ্বীদের নিয়ম-কানুন পুরো অনুসরণ করে কুরআন শরীফ তিলাওয়াত করা।

অনুশীলনী

- ১। ইলমে তাজ্বীদ কাকে বলে?
- ২। ইলমে তাজ্বীদের বিষয়বস্তু ও উদ্দেশ্য বর্ণনা কর।
- ৩। ইলমে তাজ্বীদ কত প্রকার ও কি কি?

দ্বিতীয় পাঠ

لَحْنٌ

“লাহান”

(ভুল তিলাওয়াত)

তাজবীদের নিয়ম-কানুন লংঘন করে কুরআন তিলাওয়াত করাকে লাহান বলা হয়।

লাহান দুই প্রকার :

১। লাহানে জলী বা স্পষ্ট ভুল, ২। লাহানে খফী বা অস্পষ্ট ভুল।

লাহানে জলী : তিলাওয়াতের সময় এক অক্ষরের স্থলে অন্য অক্ষর পড়া যেমন قُلْ এর স্থলে كُلْ পড়া অথবা এক হরকতের স্থলে অন্য হরকত

পড়া, যেমন : أَنْعَمْتَ এর যায়গায় أُنْعِمْتَ পড়া, অথবা মাদ্দ করতে গিয়ে

কোন অক্ষর অহেতুক দীর্ঘ করা, এতে একটি অক্ষর বেড়ে যায়। যেমন

أَلْحَمْدُ لِلَّهِ এর জায়গায় أَلْحَمْدُ لِلَّهِمِ পড়া, অথবা এতদ্রুত পড়া যাতে

মাদ্দের কোন অক্ষর লোপ পেয়ে যায় যেমন, لَرَّ يُلْكُنْ এর স্থলে لَرَّ يُولْكُنْ

পড়া। হুকুম : এভাবে কুরআন শরীফ তিলাওয়াত করলে কোন কোন ক্ষেত্রে অর্থ বিকৃত ও পরিবর্তিত হয় এবং নামায নষ্ট হয়ে যায়।

লাহানে খফী :

এ ধরনের ভুল দ্বারা কুরআনের ব্যবহৃত حُرُوفٍ এর (বর্ণমালা) সৌন্দর্য নষ্ট হয়, তবে এতে অর্থের পরিবর্তন হয় না এবং নামাযও নষ্ট হয় না। যেমন بِسْمِ اللّٰهِ الرَّحْمٰنِ الرَّحِیْمِ এর আল্লাহ শব্দের লাম চিকন (বা বারিক) করে না পড়ে মোটা করে পড়া। এ ধরনের ভুল পড়া উচিত নয়। এ ব্যাপারে সাবধান থাকা একান্ত প্রয়োজন।

অনুশীলনী

১। লাহান কাকে বলে?

২। লাহান কত প্রকার ও কি কি?

৩। লাহানে জলী কাকে বলে? উদাহরণ সহ লিখ।

৪। লাহানে খফী কাকে বলে? উদাহরণ সহ বর্ণনা কর।

৫। নিম্ন লিখিত লাহানগুলো কোন প্রকারের অন্তর্ভুক্ত?

যেমন : الْمَمْدُ لِلّٰهِ كَمَا الْمَمْدُ لِلّٰهِ এর , কে চিকন করে পড়া এবং الْمَمْدُ لِلّٰهِ কে চিকন করে পড়া।

তৃতীয় পাঠ

حُكْمُ التَّعُوذِ وَالتَّسْمِيَةِ

কুরআন তিলাওয়াতের শুরুতে তা'আওউয ও তাসমিয়াহ পড়া কুরআন শরীফ তিলাওয়াতের পূর্বে সব সময় তা'আওউয অর্থাৎ
أَعُوذُ بِاللَّهِ مِنَ الشَّيْطَانِ الرَّجِيمِ পড়া জরুরী। বিস্মিল্লাহ সম্পর্কে কয়েকটি
নিয়ম রয়েছে।

- (১) সূরার প্রথম থেকে তিলাওয়াত শুরু করলে বিস্মিল্লাহ পড়তে হবে।
- (২) তিলাওয়াত করতে করতে এক সূরা শেষ করে অন্য সূরার শুরুতে ও বিস্মিল্লাহ পড়া প্রয়োজন। কিন্তু সূরা বারায়াতের (সূরা তাওবা) শুরুতে বিস্মিল্লাহ পড়তে হবে না।
- (৩) কোন সূরার প্রথম থেকে না পড়ে মাঝখান থেকে পড়া শুরু করলে বিস্মিল্লাহ পড়া জরুরী নয় তবে এক্ষেত্রেও তা'আওউয পড়তে হবে। সূরা বারায়াতের মাঝ হতে তিলাওয়াতের সময় بِسْمِ اللّٰهِ الرَّحْمٰنِ الرَّحِیْمِ পড়া যায়। তবে জরুরী নয়।

অনুশীলনী

- ১। তা'আওউয কখন পড়তে হয়?
- ২। বিস্মিল্লাহ কখন পড়তে হয়?
- ৩। সূরা বারায়াতের শুরুতে বিস্মিল্লাহ পড়তে হয় কি না?
- ৪। সূরা বারায়াতের মাঝখানে তিলাওয়াতের সময় বিস্মিল্লাহ পড়ার হুকুম কি?
- ৫। সূরা বারায়াত ছাড়া অন্য সূরার মাঝখান থেকে তিলাওয়াত করার সময় বিস্মিল্লাহ পড়ার হুকুম কি?

চতুর্থ পাঠ

مَخْرَجُ الحُرُوفِ

মাখরাজ পরিচিতি

যে স্থান হতে হরফ উচ্চারিত হয় বা বের হয় তাকে 'মাখরাজ' বলে।

'মাখরাজ' ১৭টি।

১। কণ্ঠনালী বা হলকের মূল হতে ২টি হরফ। (حَرَفِي) উচ্চারিত হয়।

যেমন هَمْزَةٌ - هَاءٌ ء

২। হলকের মধ্যস্থল হতে উচ্চারিত হয় ع - ح (عَيْنِي - هَاءٌ)

৩। হলকের উপরিভাগ হতে উচ্চারিত। غ - خ (غَيْنِي - هَاءٌ)

৪। জিহ্বার গোড়া বা মূল তার বরাবর উপরের তালুর সংগে লাগিয়ে দুই নোকতা ওয়ালা ক্বাফ। ق (قَافِي)

৫। জিহ্বার গোড়া বা মূল হতে একটু বাইরের দিকে এগিয়ে তার বরাবর উপরের তালুর সঙ্গে লাগিয়ে ছোট কাফ। ك (كَافِي)

৬। জিহ্বার মধ্যভাগ তার উপরের তালুর সঙ্গে লাগিয়ে

ج ش ي (جِيمِر - شَيْنِي - يَاءٌ)

৭। জিহ্বার গোড়া বা মূলের কিনারা উপরের মাড়ীর (দাঁতের) গোড়ার সাথে লাগিয়ে। ض (ضَادِي)

৮। জিহ্বার অগ্রভাগ বা মাথার কিনারা উপরের দাঁতের মাড়ির সাথে লাগিয়ে ل (لَافِي)

৯। জিহ্বার অগ্রভাগের সোজা উপরের তালু হতে ن (نُونِي)

১০। জিহ্বার অগ্রভাগের পিঠ, তার বরাবর উপরের তালুর সঙ্গে লাগিয়ে ر (رَافِي)

১১। জিহ্বার অগ্রভাগ সামনের উপরের দুই দাঁতের গোড়ার সাথে লাগিয়ে طاء - دال - تاء (طَاءِي - دَالِي - تَائِي)

১২। জিহ্বার অগ্রভাগ সামনের নীচের দুই দাঁতের পেটের সাথে লাগিয়ে

ز - ص - س (زَاء - سَيْنِ - صَاء)

১৩। জিহ্বার অগ্রভাগ সামনের দুই দাঁতের অগ্রভাগ হতে

ظَاء - ذَال - ثَاء (ظ - ذ - ث)

১৪। নীচের ঠোঁটের পেট সামনের উপরের দুই দাঁতের অগ্রভাগের সাথে

লাগিয়ে (فَاء) ف

১৫। উভয় ঠোঁটের মধ্যস্থল হতে উচ্চারিত হয়।

بَاء - وَاو - مِيْر (ب و ا)

ب উভয় ঠোঁটের ভেজা অংশ হতে উচ্চারিত হয়

م উভয় ঠোঁটের শুকনা অংশ হতে উচ্চারিত হয়

و উচ্চারণের সময় উভয় ঠোঁট পুরোপুরি মিলিত হয় না,

মুখ একটু গোল হয়ে উক্ত বর্ণ উচ্চারিত হয়।

১৬। মুখের খালি যায়গা হতে মাদ্দের হরফ পড়া হয়। মাদ্দের হরফ ৩টি

ي - و - ا - যবরের বাম পাশে খালি আলিফ, পেশের বাম পাশে যজম ওয়ালা ওয়াও, জেরের বাম পাশে যজম ওয়ালা ইয়া। মাদ্দের হরফ এক

আলিফ টেনে পড়তে হয়। যেমন : جَاء - جُو - جِي

১৭। নাকের বাঁশী হতে গুনাহ উচ্চারিত হয়।

যেমন : اِنَّ اللّٰهَ عَلٰى كُلِّ شَيْءٍ قَدِيْرٌ

নোট : হরফের সঠিক উচ্চারণ জানতে হলে প্রত্যেকটি বর্ণের আগে হরকত বিশিষ্ট হামজাহ সংযোগ করে বর্ণটিকে সাকিন করতে হয়।

যেমন : اَب - اَش - اَق

অনুশীলনী

১। মাখরাজ কাকে বলে?

২। মাখরাজ কয়টি ও কি কি? ৪ - ৬ এর মাখরাজ উল্লেখ কর।

৩। ن و ف ط س এর মাখরাজ বর্ণনা কর।

৪। উভয় ঠোঁটের মধ্যস্থল হতে কোন কোন বর্ণ উচ্চারিত হয় বুঝিয়ে বল।

পঞ্চম পাঠ

أَحْكَامُ النُّونِ السَّاكِنَةِ وَالتَّنْوِينِ

নূনে সাকিন ও তানভীনে

নূনে সাকিন ও তানভীনের চারটি বিধান রয়েছে। যথা : (১) اِظْهَار (ইজহার) অর্থ স্পষ্ট করা (২) اِدْغَام (ইদগাম) অর্থ মিল করা (৩) اِقْلَاب (ইকলাব) অর্থ বদল করা (৪) اِخْفَاء (ইখফা) অর্থ গোপন করা।

(১) اِظْهَار ইজহার : নূনে সাকিন ও তানভীনের পর ছয়টি হরফে হালকী বা কণ্ঠ বর্ণের যে কোন একটি বর্ণ থাকলে নূনে সাকিন ও তানভীনকে গুল্লাহ ও ইখফা ছাড়াই নিজ মাখরাজ থেকে স্পষ্ট করে পড়াকে اِظْهَار ইজহার বলে।

হরফে হালকী বা কণ্ঠবর্ণ ছয়টি :

ع ه ح خ غ

| অবস্থা | উদাহরণ | কণ্ঠবর্ণ |
|----------------------------|---|----------|
| নূনে সাকিনের পর হামজাহ | هَمْزَةٌ مِنْ اِنْبَاكَ | ن |
| নূনে সাকিনের পর হা | اِنَّ هُوَ اِلَّا وَحَىُّ يُوْحَىٰ ه | ن |
| নূনে সাকিনের পর আইন | خَلَقَ الْاِنْسَانَ مِنْ عَلَقٍ ع | ن |
| নূনে সাকিনের পর গাইন | وَمَا مِنْ غَائِبَةٍ غ | ن |
| নূনে সাকিনের পর হা (হালকী) | وَيَرْزُقُهُ مِنْ حَيْثُ لَا يَحْتَسِبُ | ن |
| নূনে সাকিনের পর খা | ذٰلِكَ لِمَنْ خَشِيَ رَبَّهٗ خ | ن |

তানভীনের উদাহরণ

| অবস্থা | উদাহরণ | কষ্টবর্ণ |
|------------------------|--|----------|
| তানভীনের পর হামজাহ | وَأَرْسَلَ عَلَيْهِمْ طَيْرًا أَبَابِيلَ ۖ | ء |
| তানভীনের পর হা | وَلِكُلِّ قَوْمٍ هَادٍ ۝ | ه |
| তানভীনের পর আইন | ثُمَّ لَتَسْأَلَنَّ يَوْمَئِذٍ عَنِ النَّعِيمِ ۚ | ع |
| তানভীনের পর গাইন | مَاءٍ غَدَقًا ۙ | غ |
| তানভীনের পর হা (হালকী) | أَقْرَضُوا اللَّهَ قَرْضًا حَسَنًا ۚ | ح |
| তানভীনের পর খা | كَاذِبَةٍ خَاطِئَةٍ ۚ | خ |

(২) اِفْلَابٍ (ইকলাব) : নূনে সাকিন বা তানভীনের পর (ب) থাকলে ঐ নূনে সাকিন বা তানভীনকে মীম (ر) দ্বারা বদল করে ইখফা ও গুনাহ করে পড়তে হয়। যেমন :

নূনে সাকিনের পর ب مِنْ اَبْعِلْ ن ب

তানভীনের পর ب سَبِّعْ اَبْصِيرْ ن ب

(৩) اِدْغَامٍ (ইদগাম) : নূনে সাকিন বা তানভীনের পর (يرملون)

ى - ر - ا - ل - و - ن

এ ছয়টি হরফ বা অক্ষরের যে কোন একটি হরফ থাকলে ইদগাম করতে হয়। ইদগাম দুই প্রকার (১) اِدْغَامٍ بِالْغَنَةِ ইদগাম বিল গুনাহ (২) اِدْغَامٍ

بِغَيْرِ غَنَةٍ ইদগাম বিগাইরি গুনাহ।

الفنة (ইদগাম বিল গুনাহ) গুনাহ সহ ইদগাম :
 নূনে সাকিন বা তানভীনের পর و ن ا এর যে কোন একটি অক্ষর
 আসলে ঐ অক্ষরকে নূনের সাথে মিলিয়ে গুনাহ করে পড়তে হয়।

| | |
|------------------------------|---|
| تَنوِين (তানভীন) এর পর ی | ن (নূনে সাকিন) এর পর ی |
| যেমন : وَجُوَّةٌ يَوْمَئِذٍ | যেমন : فَمَنْ يَبْعَلْ |
| ن (তানভীন) এর পর ن | ن (নূনে সাকিন) এর পর ن |
| যেমন : عَامِلَةٌ نَّاصِبَةٌ | যেমন : خَلَقَكُمْ مِنْ نَفْسٍ وَاحِدَةٍ |
| تَنوِين (তানভীন) এর পর ا | ن (নূনে সাকিন) এর পর ا |
| যেমন : رَسُولٌ مِنَ اللَّهِ | যেমন : مِنْ مَاءٍ مَّهِينٍ |
| و (তানভীন) এর পর و | ن (নূনে সাকিন) এর পর و |
| যেমন : وَشَاهِدٍ وَمَشْهُودٍ | যেমন : فَهَالِكٌ مِنْ وَاٰلٍ |

إِدْغَامٌ بِغَيْرِ غِنَا (ইদগাম বিগাইরি গুনাহ) গুনাহ ছাড়া ইদগাম :
 নূনে সাকিন বা তানভীনের পর - ى , এর যে কোন একটি বর্ণ আসলে
 গুনাহ ছাড়া মিলিয়ে পড়তে হয়। যেমন :

| | |
|-------------------------------|-----------------------------|
| تَنوِين (তানভীন) এর পর ى | ن (নূনে সাকিন) এর পর ى |
| যেমন : فَعَالٌ لَّهَا يُرِيدُ | যেমন : أَنهَارٍ مِنْ لَبَنٍ |
| ر (তানভীন) এর পর ر | ن (নূনে সাকিন) এর পর ر |
| যেমন : عِيشَةٍ رَاضِيَةٍ | যেমন : مِنْ رَبِّكَ |

উল্লেখ্য যে, যখন ن (নূনে সাকিন) ও تَنوِين (তানভীন) এবং ইদগামের
 حرف বা অক্ষর একই শব্দে পাওয়া যাবে তখন ইদগামের এ নিয়ম
 প্রযোজ্য হবে না। যেমন : قِنَوَانٌ ، صِنَوَانٌ

তখন এসব ক্ষেত্রে ইজহার করে পড়তে হবে। এরূপ ইজহারকে “ইজহারে মতলক” বলে। পুরো কুরআন শরিফে এধরনের ৪টি শব্দ পাওয়া যায়।

শব্দ ৪টি - **دُنْيَا** - **بُنْيَان** - **قُنُون** - **صُنُون** -

(তানভীনের) **تَنْوِين** ও (নূনে সাকিন) **نُون سَاكِن** : (ইখফা) **اِخْفَاء** (৪)

পর নিম্নোক্ত ১৫টি অক্ষরের যে কোন একটি অক্ষর থাকলে গুনাহ সহ ইখফা করে পড়তে হয়। হরফগুলো হলো যেমন :

ت ث ج د ذ ز س ش ص ض ط ظ ف ق ك

| তানভীন | নূনে সাকিন | ইখফার হরফ |
|------------------------|------------------------------|-----------|
| جَنَاتٍ تَجْرِي | لِنَ تَنَالُوا الْبِرَّ | ت |
| يَوْمَئِثٍ ثَمَانِيَةٍ | مِنْ ثَمَرَاتٍ | ث |
| مِنْ خَلْقٍ جَدِيدٍ | مَنْ جَاءَ بِالْحَسَنَةِ | ج |
| مَاءٍ دَافِقٍ | مَنْ دُونِ اللَّهِ | د |
| عَزِيزٍ ذُو انْتِقَامٍ | مِنْ نَلِكَ | ذ |
| غُلَامًا زَكِيًّا | قَدْ أَفْلَحَ مَنْ زَكَّاهَا | ز |
| بَشَرًا سَوِيًّا | يَنْسَلُونَ | س |
| غُفُورٍ شُكُورٍ | فَمَنْ شَاءَ فَلْيُؤْمِنْ | ش |
| عَمَلًا صَالِحًا | مِنْ صِيَاءٍ | ص |
| مَكَانًا ضِيْقًا | وَمَنْ ضَلَّ | ض |
| صَعِيدًا طَيِّبًا | يَنْطِقُونَ | ط |

| | | |
|------------------------|-------------|---|
| قَوْمًا ظَالِمِينَ | يَنْظُرُونَ | ظ |
| بَسْطَةً فِي الْعِلْمِ | يَنْفِقُونَ | ف |
| مُؤْمِنَاتٍ قَانِتَاتٍ | مِنْ قَبْلُ | ق |
| كِرَامًا كَاتِبِينَ | مِنْكُمْ | ك |

অনুশীলনী

- ১। نُونٌ سَاكِنٌ (নূনে সাকিন) ও تَنْوِينٌ (তানভীনের) বিধান কয়টি ও কি কি?
- ২। حُرُوفٌ حَلَقِيٌّ (হরফে হালকী) বা কণ্ঠ বর্ণ কয়টি ও কি কি?
- ৩। নূনে সাকিন ও তানভীনের পর কণ্ঠ বর্ণ এলে কিভাবে পড়তে হয় উদাহরণসহ লিখ।
- ৪। اِفْلَابٌ (ইকলাব) কাকে বলে? ইকলাবের দু'টি উদাহরণ দাও।
- ৫। নূনে সাকিন ও তানভীনের পর يَرْمَلُونَ হতে যে কোন একটি বর্ণ এলে কিভাবে পড়তে হয় উদাহরণসহ লিখ।
- ৬। اِدْغَامٌ (ইদগাম) বিলগুন্নাহ ও বিগাইরিগুন্নাহ বলতে কি বুঝ উদাহরণসহ লিখ।
- ৭। নূনে সাকিন ও তানভীনের পর কোন কোন বর্ণ এলে اِخْفَاءٌ ইখফা করতে হয়। এরূপ তিনটি উদাহরণ উল্লেখ কর।
- ৮। নিম্নের আয়াতগুলো পড় ও নীচে দাগ দেয়া কোনটির কোন হুকুম উল্লেখ কর।

وَاللَّهُ عَلِيمٌ حَكِيمٌ - كُنْتُمْ خَيْرَ أُمَّةٍ - فَلَمَّا أَنْبَاهُمْ بِأَسْمَائِهِمْ -
 افْتَتَمِعُونَ أَنْ يُؤْمِنُوا لَكُمْ - فَعَالٌ لَهَا يَرِيدُ

ষষ্ঠ পাঠ

احْكَامُ الْمِيمِ السَّاكِنَةِ

মীমে সাকিন

মীমে সাকিনের তিনটি নিয়ম আছে।

(১) إِخْفَاءُ ইখফা, (২) ادْغَامٌ ইদগাম (৩) اِظْهَارٌ ইযহার

ইখফা : মীমে সাকিনের পর ب (বা) বর্ণ থাকলে غُنْنَهُ গুনাহসহ ইখফা করে পড়তে হয়। যেমন : وَمَا هُمْ بِمُؤْمِنِينَ

ইদগাম : মীমে সাকিনের পর م (মীম) বর্ণ আসলে ইদগাম ও গুনাহ করে পড়তে হয়। যেমন : فِي قُلُوبِهِمْ مَرَضٌ

ইযহার : মীমে সাকিনের পর ب ও م ছাড়া অন্য যে কোন حرف থাকলে ইখফা ও গুনাহ ছাড়া ইযহার বা স্পষ্ট করে পড়তে হয়।

যেমন : لَمْ يَكُنْ - أَلَمْ نَشْرَحْ - أَلَمْ تَرَى

অনুশীলনী

- ১। মীমে সাকিনের কয়টি নিয়ম আছে? উল্লেখ কর।
- ২। মীমে সাকিনের পর ب (বা) বর্ণ থাকলে কিভাবে পড়তে হয় উদাহরণসহ লিখ।
- ৩। মীমে সাকিনের পর م (মীম) আসলে কিভাবে পড়তে হবে? এ নিয়মের নাম কি? উদাহরণসহ লিখ।
- ৪। মীমে সাকিনের পর ب ও م ছাড়া অন্য (حرف) বর্ণ আসলে কি হুকুম হবে উদাহরণসহ উল্লেখ কর।
- ৫। আয়াতাংশগুলো পড় ও নীচে দাগ দেয়া শব্দগুলোর নিয়ম বা হুকুম বর্ণনা কর। قُمْ يَا ذُنَّ اللَّهِ - لَمْ فِيهَا - عَلَيْهِمْ مَطْرًا

সপ্তম পাঠ

الْفَتْهُ

“গুনাহ”

হরকতের বাম পাশে ن (নূন) ও م (মীম) হরফ দুটির কোন একটি তাশদীদযুক্ত হলে গুনাহ করা জরুরী। তাকে ওয়াজিব গুনাহ বলে। এক্ষেত্রে গুনাহর পরিমাণ হবে এক আলিফ। গুনাহ নাকের বাঁশি হতে উচ্চারিত হয়। গুনাহকে অনেকটা চন্দ্রবিন্দুর ন্যায় উচ্চারণ করে পড়তে হয়।

যেমন : عَمْرٌ يَتَسَاءَلُونَ - إِنَّمَا أَنَا بَشَرٌ مِّثْلُكُمْ :

তাছাড়া কুরআন শরিফে আরও ২ প্রকার গুনাহ আছে। (১) নূনে সাকিন ও তানভীনের গুনাহ (২) মী-মে সাকিনের গুনাহ।

অনুশীলনী

- ১। ওয়াজিব গুনাহ কাকে বলে।
- ২। গুনাহ কিভাবে উচ্চারণ করতে হয়? উদাহরণসহ লিখ।
- ৩। পড় ও গুনাহর স্থানগুলো নির্ণয় কর।

إِنَّ اللَّهَ عَلَىٰ كُلِّ شَيْءٍ قَدِيرٌ
وَأَمَّا السَّائِلَ فَلَا تَنْهَرُهُ

অষ্টম পাঠ

الادغام

“ইদগাম”

এক অক্ষরকে অন্য অক্ষরের সাথে মিলিয়ে পড়াকে ইদগাম বলে। ইদগাম তিন প্রকার। যথা :

(১) اِدْغَامٌ مِّثْلَيْنِ (ইদগামে মিসলাইন) (২) اِدْغَامٌ مُتَجَانِسَيْنِ (ইদগামে মোতাজানিছাইন) (৩) اِدْغَامٌ مُتَقَارِبَيْنِ (ইদগামে মোতাকারিবাইন)।

(১) اِدْغَامٌ مِّثْلَيْنِ (ইদগামের মিসলাইন) : একই حرف বা বর্ণ যদি দু'বার এক স্থানে পাশাপাশি আসে এবং প্রথমটি সাকিন এবং দ্বিতীয়টি হরকত বিশিষ্ট হয় তখন সাকিন (حرف) অক্ষরকে হরকত বিশিষ্ট (حرف) অক্ষরের সাথে মিলিয়ে পড়াকে ইদগামে মিসলাইন বলা হয়।

যেমন :

اَضْرِبْ بِعَصَاكَ - ب = ب

بَلِّ لَّا يَخَافُونَ - ل = ل

(২) اِدْغَامٌ مُتَجَانِسَيْنِ (ইদগামে মোতাজানিছাইন) : এক মাখরাজ কিন্তু ভিন্ন সিফাতের দু'টি حرف (বর্ণ) পাশাপাশি এলে এবং প্রথম বর্ণ সাকিন ও দ্বিতীয় বর্ণ হরকত বিশিষ্ট হলে প্রথম অক্ষরকে দ্বিতীয় অক্ষরের সাথে মিলিয়ে পড়াকে। اِدْغَامٌ مُتَجَانِسَيْنِ (ইদগামে মোতাজানিছাইন) বলা

হয়। যেমন : مَاعَبَلْتُمْ - مَاعَبَلْتُمْ - قَالَتْ طَائِفَةٌ :

উল্লেখিত উদাহরণ সমূহে د - ت - ث এবং ج এর একই মাখরাজ কিন্তু সিফাত ভিন্ন।

(৩) اِدْغَامٌ مُتَقَارِبَيْنِ (ইদগামে মোতাকারিবাইন) : নিকটবর্তী দুই মাখরাজ ও ভিন্ন সিফাতের দু'টি حروف পাশাপাশি এলে এবং প্রথম حروف বা বর্ণ সাকিন ও দ্বিতীয় বর্ণ হরকত বিশিষ্ট হলে প্রথম حروف বা বর্ণটিকে দ্বিতীয় বর্ণের সাথে মিশিয়ে পড়াকে اِدْغَامٌ مُتَقَارِبَيْنِ ইদগামে মোতাকারিবাইন বলা হয়।

الرُّ نَخْلَقُكُمْ - مَنْ لَّا يُحِبُّ :

উল্লেখিত উদাহরণদ্বয় ن ও ل এবং ق ও ك নিকটবর্তী মাখরাজ কিন্তু ভিন্ন সিফাতের বর্ণ।

অনুশীলনী

- ১। ইদগাম কাকে বলে? ইদগাম কত প্রকার ও কি কি?
- ২। ইদগামে মিসলাইন কাকে বলে? উদাহরণসহ লিখ?
- ৩। ইদগামে মোতাজানিছাইন বলতে কি বুঝ? উদাহরণসহ বর্ণনা কর।
- ৪। ইদগামে মোতাকারিবাইন বলতে কি বুঝ? উদাহরণসহ বর্ণনা কর।
- ৫। পড় ও কোনটি কোন ধরনের ইদগাম বর্ণনা কর।

اِذْهَبْ بِكِتَابِي - اِذْ ظَلَمُوا - عَاهَدْتَ - اَلرُّ نَخْلَقُكُمْ

নবম পাঠ

تَفْخِيمٌ وَتَرْقِيقٌ

পোর ও বারিক (চিকন ও মোটা)

নিম্ন লিখিত বর্ণগুলো অবস্থাভেদে পোর ও বারিক করে পড়তে হয়।

(১) راء (র) (২) اللّٰهُ (আল্লাহ) শব্দের ل (লাম)।

আল্লাহ শব্দের লাম ل উচ্চারণের বিধান দুটি :

১। اللّٰهُ শব্দের লামের ডানে যদি জবর কিংবা পেশ থাকে তবে উক্ত লামকে সব সময় মোটা করে পড়তে হয়। পোর মানে মোটা করে পড়া। যেমন : رَفَعَهُ اللّٰهُ اَرَادَ اللّٰهُ

২। اللّٰهُ (আল্লাহ) শব্দের লামের ডানে যদি জের বা كسرة (কাসরাহ) থাকে তবে উক্ত ل লামকে বারিক বা চিকন করে পড়তে হয়।

যেমন : بِسْمِ اللّٰهِ - لِلّٰهِ مَافِي السَّمٰوٰتِ

আল্লাহ শব্দের লাম حرف (অক্ষর) ছাড়া যত লাম حرف রয়েছে তার ডানে যে কোন হরকত হোক না কেন সর্বাবস্থায় তা বারিক বা চিকন করে পড়তে হবে। যেমন : وَمَا لَكُمْ اَلَّا تَقٰنِلُوْنَ

راء (র) উচ্চারণের নিয়মাবলী :

راء (র) حرف টিকে ৫ অবস্থায় পোর বা মোটা করে পড়তে হয়।

(১) راء (র) এর উপর জবর বা পেশ হলে উক্ত রা পোর বা মোটা করে

পড়তে হয়। যেমন : رَبُّ الْعٰلَمِيْنَ - رَبِّيَّا يُوَدُّ

- (২) راء (র) বর্ণ সাকিন ও তার পূর্ব বর্ণ পেশ বা জবরযুক্ত হলে উক্ত 'র' কে পোর বা মোটা করে পড়তে হয়। যেমন : اَرْكُسُوا - يَرْجِعُونَ : যেমন
- (৩) র সাকিন ও তার পূর্বে عارضی كسره বা ক্ষণস্থায়ী যের বিশিষ্ট বর্ণ হলে ঐ র বর্ণকে মোটা বা পোর করে পড়তে হয়।
যেমন : اِنْ اَرْتَبْتُمْ - مَنِ ارْتَضَى
- (৪) র এর পূর্ব বর্ণ যদি যেরযুক্ত হয় এবং তার পরবর্তী অক্ষর নিম্নোক্ত ৭টি অক্ষরের যে কোন একটি হয় তবে ঐ 'র' কে পোর বা মোটা করে পড়তে হয়। ঐ ৭টি বর্ণ হলো ا ح ط ظ قاضى استعلاء
مِرْمَادٌ - قِرْطَاسٌ - فِرْقَةٌ : যেমন
- (৫) ওয়াকফ অবস্থায় র' সাকিনের পূর্বে ى ব্যতীত অন্য কোন বর্ণ সাকিন হলে এবং সাকিনের পূর্ব বর্ণে যবর অথবা পেশ হলে উক্ত র'-কে পোর করে পড়তে হয়। যেমন : صَوْرٌ - شَهْرٌ - خُسْرٌ

চার অবস্থায় র' বারিক বা চিকন করে পড়তে হয়

- (১) راء 'র' বর্ণ যেরযুক্ত হলে বারিক করে পড়তে হয়।

যেমন : رَجَالٌ - رِجَالٌ

- (২) راء 'র' বর্ণ সাকিন ও পূর্ববর্তী বর্ণ আসল (أصلی) যের বিশিষ্ট হলে ঐ র' - কে বারিক করে পড়তে হয়। যেমন : سَيْرٌ - خَيْرٌ

- (৩) راء 'র' বর্ণ ওয়াকফের কারণে জযম বিশিষ্ট হলে এবং তৎপূর্বে ى ভিন্ন অন্য কোন সাকিন বর্ণের পূর্বের বর্ণ যের বিশিষ্ট হয় তা হলে ঐ র' কে বারিক করে পড়তে হয়। যেমন : شِعْرٌ ذِكْرٌ

(8) ۴, 'র' বর্ণ যদি ওয়াকফের কারণে সাকিন হয় এবং তৎপূর্বে ۴ ভিন্ন অন্য কোন সাকিন বর্ণের পূর্বের বর্ণ যের বিশিষ্ট হয় তা হলে ঐ 'র' কে বারিক করে পড়তে হয়। যেমন شَعْرٌ ذِيْرٌ

অনুশীলনী

- ১। পোর ও বারিক বলতে কি বুঝ?
- ২। কোন কোন বর্ণে পোর ও বারিকের বিধান রয়েছে?
- ৩। আল্লাহ্ শব্দের লাম কখন পোর করে পড়তে হয় এবং কখন বারিক করে পড়তে হয়? উদাহরণসহ লিখ।
- ৪। 'র' বর্ণ কখন পোর করে পড়তে হয়? উদাহরণসহ লিখ।
- ৫। কোন অবস্থায় 'র' বর্ণ বারিক করে পড়তে হয়? উদাহরণসহ লিখ।
- ৬। নিম্নের উদাহরণগুলো পড় এবং পোর ও বারিক নির্ণয় কর।

اللَّهُ لَا إِلَهَ إِلَّا هُوَ - فِي دِينِ اللَّهِ أَفْوَاجًا - وَمِمَّا رَزَقْنَاهُمْ
- يَرْزُقُونَ - شَكُورًا -

দশম পাঠ

الْمَدَّ

মাদ্দ

টেনে অথবা লম্বা করে পড়ার নাম মাদ্দ।

মাদ্দের হরফ ৩টি।

১। জবরের বাম পাশে খালি আলিফ

اَ

২। যেরের বাম পাশে যজম ওয়ালা ইয়া

يَ

৩। পেশের বাম পাশে যজম ওয়ালা

وَيَ

মাদ্দ মোট দশ প্রকার :

* এক আলিফ মাদ্দ তিন প্রকার : (১) مَدَّ طَبِيعِي মাদ্দে তবায়ী

(২) مَدَّ بَدَل মাদ্দে বদল (৩) مَدَّ لِيْن মাদ্দে লীন।

এক আলিফের পরিমাণ হলো দুটো হরকত উচ্চারণের পরিমাণ সময়।

* তিন আলিফ মাদ্দ দুই প্রকার (১) মাদ্দে আরেজী مَدَّ عَارِضِي (২) মাদ্দে

মুনফাসিল مَدَّ مَنفَصِل

* চার আলিফ মাদ্দ পাঁচ প্রকার :

১। মাদ্দে মুত্তাখিল مَدَّ مُتَّصِل

২। মাদ্দে লাজিম কালমী মুছাক্কাল - مَدَّ لَازِمٌ كَلِمِي مُثَقَّلٌ

৩। মাদ্দে লাজিম কালমী মুখাফফাফ - مَدَّ لَازِمٌ حَرْفِي مُخَفَّفٌ

৪। মাদ্দে লাজিম হারফী মুছাক্কাল - مَدَّ لَازِمٌ حَرْفِي مُثَقَّلٌ

৫। মাদ্দে লাজিম হারফী মুখাফফাফ - مَدَّ لَازِمٌ حَرْفِي مُخَفَّفٌ

সংক্ষিপ্ত সংজ্ঞা ও উদাহরণ

১। মাদ্দে তাবায়ী **مِل طبعی** : যবরের বাম পাশে খালি আলিফ পেশের বাম পাশে জযম ওয়ালা ওয়াও জেরের বাম পাশে জযম ওয়ালা ইয়া হলে উহাকে মাদ্দে তাবায়ী বলে। এ অবস্থায় এক আলিফ টেনে পড়তে হয়। যেমন : **بَا - بُوَا - بِي** :

২। মাদ্দে বদল **مِل بدل** : হামযার সঙ্গে মাদ্দের হরফ হলে উহাকে মাদ্দে বদল বলে এই মাদ্দ ও এক আলিফ টেনে পড়তে হয়।

যেমন : **أَمِي - أَوْمِي - إِهْمَانَا** :

৩। মাদ্দে লীন **مِل ليين** : লীনের হরফের বাম পাশে ওয়াক্ফ অবস্থায় সাকিন হলে উহাকে মাদ্দে লীন বলা হয়। লীনের হরফ দুটি :-

যবরের বামে জযম ওয়ালা ওয়াও **وُ .**

যবরের বামে জযম ওয়ালা ইয়া **يُ**

লীনের হরফ এক আলিফ টেনে পড়তে হয়।

যেমন **خَوْفٌ - بَيْتٌ**

৪। মাদ্দে আরেজী **مِل عارضی** : মাদ্দের হরফের বাম পাশে ওয়াক্ফের হালতে সাকিন হলে উহাকে মাদ্দে আরেজী বলা হয়।

তিন আলিফ টেনে পড়তে হয়। যেমন : **الرَّحْمٰنُ ۝**

إِيَّاكَ نَسْتَعِينُ ۝ - وَأَوْلٰئِكَ هُمُ الْمُفْلِحُونَ ۝

৫। মাদ্দে মুনফাসিল **مِل منفصل** : মাদ্দের হরফের বাম পাশে আলিফের সুরতে অন্য শব্দে হামজাহ হলে উপরের চিহ্নটি হবে।

এ মাদ্দকে **مِل منفصل** বলে। যেমন : **وَمَا أَنزِلَ وَمَا**

أَوْتِي - لَا أَعْبُدُ এ মাদ্দকে তিন আলিফ টেনে পড়তে

হয়।

৬। মাদ্দে মুত্তাসিল : মাদ্দের হরফের বাম পাশের একই শব্দে হামজাহ হলে উহাকে মাদ্দে মুত্তাসিল বলে। এই মাদ্দকে চার আলিফ পরিমাণ টেনে পড়তে হয়।

شاء - أَوْلَاكَ - سُوءَ

মাদ্দে লায়িমের বিবরণ

حَرْفٍ مَّ (মাদ্দের অক্ষরের) পর জয়মযুক্ত কোন বর্ণ হলে তাকে মাদ্দে লায়িম বলা হয়।

১। কালমী মুছাক্কাল (কালমী মুছাক্কাল) ২। كَلِمِيٌّ مَّخَفَّفٌ (কালমী মুখাফ্ফাফ) ৩। حَرْفِيٌّ مَثْقَلٌ (হরফী মুছাক্কাল) ৪। حَرْفِيٌّ مَخَفَّفٌ (হরফী মুখাফ্ফাফ)।

১। কালমী মুছাক্কাল :

শব্দের মাঝে যদি মাদ্দের হরফের পর তাশদীদযুক্ত সাকিন থাকে তবে উহাকে কালমী মুছাক্কাল বলা হয়।

وَلَا الضَّالِّينَ - دَابَّةٌ

এই মাদ্দ চার আলিফ পর্যন্ত লম্বা করে পড়তে হয়।

২। কালমী মুখাফ্ফাফ :

শব্দের মধ্যে মাদ্দের হরফের পর সাকিনে আসলী হলে উহাকে মাদ্দে লায়িম কালমী মুখাফ্ফাফ বলা হয়।

وَالْأَن : এ মাদ্দও চার আলিফ পরিমাণ দীর্ঘ করে পড়তে হয়।

৩। হরফী মুছাক্কাল :

মাদ্দের অক্ষরের পর তাশদীদযুক্ত সাকিন হরফ থাকলে হরফী মুছাক্কাল বলা হয়। যেমন : الرِّمِّ

৪। হরফী মুখাফফাফ :

মাদ্দের অক্ষরের পর তাশদীদযুক্ত কোন বর্ণ না থাকলে তাকে হরফী মুখাফফাফ বলা হয়। যেমন : عَسَقٌ - كٌ

উক্ত মাদ্দও চার আলিফ পর্যন্ত দীর্ঘ করে পড়তে হয়।

অনুশীলনী

- ১। মাদ্দ কাকে বলে? حرف مد মাদ্দের হরফ কয়টি ও কি কি?
- ২। مَلِّطَبَعِيٌّ মাদ্দে তাবায়ী কাকে বলে? উক্ত মাদ্দ কি পরিমাণ লম্বা করতে হয়? উদাহরণসহ লিখ।
- ৩। مَلِّفَرَعِيٌّ মাদ্দে ফারয়ী কত প্রকার ও কি কি?
- ৪। مَلِّمُتَّصِلٌ মাদ্দে মুত্তাছিল কখন হয়? উদাহরণসহ লিখ।
- ৫। مَلِّمُنْفَصِلٌ মাদ্দে মুনফাসিলের হুকুম বর্ণনা কর।
- ৬। مَلِّبَدَلٌ মাদ্দে বদল কখন হয়? উদাহরণসহ লিখ।
- ৭। مَلِّلَيْنِ (মাদ্দে লীন) ও مَلِّعَارِضِيٌّ (মাদ্দে আরেজী) হুকুম বর্ণনা কর এবং একটি করে উদাহরণ দাও।
- ৮। مَلِّلَازِمٌ মাদ্দে লায়িম কত প্রকার ও কি কি?
- ৯। পড় এবং এর হুকুম বর্ণনা কর।
جَاءَ - مَلِكٌ - مُسْتَقِيمٌ - الْحَاقَّةُ - خَوْفٌ - لَأَعْبُدُ -
مَاتَعْبُدُونَ - نَ - أُوتِي - الْآنَ
- ১০। مَلِّلَيْنِ মাদ্দে লীন কাকে বলে? উদাহরণসহ লিখ।

একাদশ পাঠ

قَالَ

কাল-কালাহ

কাল-কালাহ অর্থ হলো প্রতিধ্বনী ও গম্ভীর স্বরে আওয়াজ করা। কোন গোলাকার বস্তু মাটিতে নিক্ষেপ করলে সাথে সাথে উহা ধাক্কা খেয়ে উপরের দিকে লাফিয়ে উঠে। অনুরূপভাবে কাল-কালার বর্ণগুলো নিজ নিজ মাখরাজ হতে ধাক্কা খেয়ে গম্ভীর স্বরে উপরের দিকে লাফিয়ে উঠে।

কাল-কালাহর বর্ণ পাঁচটি : ق - ك - ج - د - ه

এক কথায় قطب جل

কাল-কালাহ করার নিয়ম : কাল-কালাহ করার তিনটি নিয়ম আছে।

(১) কাল-কালার حرفী তাশদীদযুক্ত হলে এবং সে অবস্থায়

থামতে হলে। যেমন : بِالْحَقِّ

(২) কাল-কালার অক্ষর সাকিন এবং এ অবস্থায় ওয়াক্ফ হলে।

যেমন : مَحِيْطٌ

(৩) কাল-কালার অক্ষর সাকিন এবং এর উপর ওয়াক্ফ না করে মিলিয়ে

পড়লে যেমন : يَجْمَعُ

উল্লেখিত নিয়মে প্রথম দুটিতে কাল-কালাহ ভালভাবে করতে হয়। তিন নম্বর নিয়মে কাল-কালাহ অপেক্ষাকৃত কম করতে হয়। কাল-কালাহ আদায়ের সময় জবরের আভাস থাকবে। তবে জবর পুরো উচ্চারিত হবে না।

অনুশীলনী

- ১। قَلَقَلَهُ (কাল-কালাহ) কাকে বলে?
- ২। حروف القلقلة কাল-কালার হরফ কয়টি ও কি কি?
- ৩। قَلَقَلَهُ কোন অবস্থায় করতে হয়?
- ৪। حروف القلقلة বা কাল-কালার হরফ নির্ণয় কর ও নীচের কোন কোন শব্দে কোন ধরনের কাল-কালাহ হয়, তা বর্ণনা কর।

وَلَمْ يُولَدْ - وَمَا كَسَبَ - أَبْصَارٌ - ابْتَرَّ - كَفُّوا - أَحَدٌ -

- ৫। কাল-কালাহ আদায়ের পদ্ধতি বর্ণনা কর।

ছাদশ পাঠ

وَقْفٌ

ওয়াক্ফ

যে সব লোক কুরআন মাজিদের অর্থ বুঝে না, তারা কুরআন তেলাওয়াত কালে যে সব জায়গায় ওয়াক্ফের চিহ্ন দেয়া আছে, সে সব জায়গায় ওয়াক্ফ করবে। বিনা প্রয়োজনে মাঝখানে থামবে না। হ্যাঁ, শ্বাস বন্ধ হয়ে গেলে থামবে। তবে পুনরায় ঐ শব্দের পূর্বে এমন জায়গা হতে তেলাওয়াত শুরু করবে যা অর্থবোধক হবে। এ ব্যাপারে অভিজ্ঞ ক্বারী ও আলেমদের সহায়তা নেয়া উচিত। নচেৎ মারাত্মক ভুল হয়ে যেতে পারে।

ওয়াক্ফ সাধারণত : দু'ভাগে বিভক্ত (১) وَقْفٌ جَائِزٌ বৈধ ওয়াক্ফ

(২) وَقْفٌ مَمْنُوعٌ অবৈধ ওয়াক্ফ।

وَقْفٌ جَائِزٌ বৈধ ওয়াক্ফ : চারভাগে বিভক্ত।

১। لَازِمٌ (লাযিম) : বাক্য শেষ হয়েছে, অর্থ ও পূর্ণ হয়েছে, মিলিয়ে পড়লে

অর্থ বিকৃত হবে যেমন : وَمَا يَعْلَمُ تَأْوِيلَهُ إِلَّا اللَّهُ

এখানে اللَّهُ শব্দের পর ওয়াক্ফ না করে মিলিয়ে পড়লে অর্থে বিকৃতি ঘটে।

২। وَقْفٌ تَامٌ (ওয়াক্ফ তাম) : বাক্য শেষ হয়ে গেলে বিরাম করতে হয়।

পরের বাক্য বা শব্দের সাথে এর অর্থগত ও শব্দগত কোন সম্পর্ক থাকে না। যেমন : কোন ঘটনা বা সূরার শেষ আয়াত :

فَانصُرْنَا عَلَى الْقَوْمِ الْكَافِرِينَ

৩। وَقَفَ كَافِي (ওয়াক্ফ কাফী) : এমন বাক্যের শেষে ওয়াক্ফ করা হয় যা পরের বাক্যের সাথে অর্থের দিক দিয়ে সম্পর্কিত, শব্দের দিক দিয়ে নয়, যেমন : اِنِّى جَاعِلٌ فِى الْاَرْضِ خَلِيفَةً : যেমন

৪। وَقَفَ حَسَن (ওয়াক্ফ হাসান) : বাক্য শেষ কিন্তু পরবর্তী বাক্যের সাথে এর অর্থগত ও শব্দগত সম্পর্ক রয়েছে, যেমন প্রথম বাক্য مَوْصُوفٍ ও দ্বিতীয় বাক্য صَفَتٌ এ অবস্থায় ওয়াক্ফ করা যেতে পারে। এরপর নূতন আয়াত আসলে সেখান থেকে কিরাতাত শুরু করা ভাল। যেমন : هَلْ مِى لِلْمُتَّقِينَ এ অবস্থায় তার পরবর্তী আয়াত الزَّيْنِ يَوْمُنُونَ থেকে তেলাওয়াত শুরু করা ভাল।

অনুরূপ অবস্থায় আয়াতের মাঝে হলেও ওয়াক্ফ করা যায় তবে প্রথম থেকে পুনরায় পড়া উত্তম। اَلْحَمْدُ لِلّٰهِ

এখানে ওয়াক্ফ করা যায় কিন্তু পুনরায় তেলাওয়াত প্রথম থেকে শুরু করতে হবে।

অবৈধ ওয়াক্ফ : এমন অসম্পন্ন বাক্যে ওয়াক্ফ করা যা দ্বারা অর্থ বিকৃতি ঘটবে। অথবা পুরো অর্থ বুঝা যায় না। যেমন : اَلْحَمْدُ وَ مَالِكُ, اَلْحَمْدُ এ শব্দগুলোর শেষে ওয়াক্ফ করলে পুরো অর্থ বুঝায় না। بِسْمِ

এভাবে لا تَقْرَبُوا الصَّلَاةَ এর শেষে ওয়াক্ফ করলে বাক্যের অর্থ বিকৃতি ঘটে।

অনুশীলনী

১। وَقَفَ (ওয়াক্ফ) কোন অবস্থায় বৈধ? উদাহরণসহ লিখ।

২। কোন অবস্থায় ওয়াক্ফ করা অবৈধ? এবং কেন? উদাহরণ দাও।

ত্রয়োদশ পাঠ

صِفَات

সিফাত

সিফাত মানে অক্ষর উচ্চারণের বিশেষ অবস্থা। অর্থাৎ যে পদ্ধতির মাধ্যমে হরফসমূহ উচ্চারিত হয় তাকে ঐ হরফের সিফাত বলা হয়।

সিফাত দুই প্রকার (১) لَازِمِي (লাযিমী) বা ذَاتِي (জাতী) এই সিফাত কখনো حرف বা অক্ষর হতে পৃথক হতে পারে না। পৃথক হলে এক অক্ষর অন্য অক্ষরে পরিণত হয়। কেননা একই মাখরাজ বিশিষ্ট অক্ষরের আওয়াজ একই রকম হয় না। সিফাতের জ্ঞানের মাধ্যমে এই পৃথকীকরণ সম্ভব।

যেমন : ت - ب

২। সিফাতে আরেজী : এই সিফাত আদায় না করলে শব্দের উচ্চারণ অশুদ্ধ হয় না, তবে শব্দের সৌন্দর্য বিনষ্ট হয়। যেমন ر, এর পোর ও বারিক হওয়া সিফাতের বাস্তব প্রতিফলন অভিজ্ঞ ক্বারী সাহেবদের কাছে মশ্ক ছাড়া সম্ভব নয়।

মোট কথা কুরআন শরীফ তারতীলের সাথে পড়তে হলে তাজবীদের তাত্ত্বিক জ্ঞান অর্জন করে অভিজ্ঞ ক্বারী সাহেবের কাছে মশ্ক করা একান্ত প্রয়োজন।

অনুশীলনী

১। صِفَات কাকে বলে? উহা কত প্রকার ও কি কি?

২। صِفَاتِ لَازِمِي সিফাত লাযিমীর হুকুম বর্ণনা কর।

৩। صِفَاتِ عَارِضِي আরেজী বলতে কি বুঝ?

সমাপ্ত

